



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

9. Variæ cærimonia die Veneris sancto in Missa explicantur.

Nutzungsbedingungen

[urn:nbn:de:hbz:466:1-54780](#)

tum gurgites depresso, & partim volucres, & hos elevavit in æta. Ita & nos Feriâ hâc V. partim deprimimur in mœrorem, partim elevamur in gaudium. Hinc dicitur in Missa *Gloria in excelsis*, sit sonitus campanarum. Deinde campanæ silent in signum tristitiae. *Excelsa nostra*, ait Alcuinus, *& turrium nostrarum raseant in humilitate Christi*. Pax non datur in Missa in detestationem osculi Judæ. Altarium nuditas, quæ post Missam fit, significat Christum amississe speciem & decorem, cumque gloriâ Deitatis quasi nudatum fuisse. Sonitus ligneus humilitatis est indicium; & lignum crucis, quo omnes convocantur, adumbra. Ablutio pedum (de qua August. Cyprian. aliquique PP.) fit ad humilitatem Christi imitandam, & munditatem animæ designandam.

9. *Varia carimonia die Veneris sancto in Missa explicantur.*

QUOD in rubrica dicatur finitâ Nonâ procedi ad Altare, inde venit juxta Rupert. quia horâ nonâ expiravit Christus, ad cuius quasi funus nos accedimus cum Nicodemo. Propriè Missæ Sacrificij hoc die non peragitur ob rationem allatam hâc num. 3. Prophetia in cornu Epistolæ legitur, & inchoatur sine titulo, hoc est lectionis capite, quia & nos occiso Christo representativè sumus sine capite. Pariter non dicitur *Dominus vobiscum*, quia moriente summo Sacerdote cessant officia Sacerdotis. Frequentius dicitur: *Flebatamus genna ad augendam*

humilitatem. *Prima Lectio* est ex Prophetis,
2da ex Pentateucho Moysis, quia lex & Pro-
phetæ Crucem Christi prænuntiarunt. Legitur
Passio super nudum pulpitum, quia nudatus
Christo in Cruce omnia nuda sunt, & Scriptu-
ræ revelatae. Uno verbo consueta non fiunt,
quia in mœrore fiunt veluti exequiæ defuncto
Christo. Sacerdos stans in cornu Epistolæ orat
pro omnibus, quia pro omnibus Christus ora-
vit in Cruce. Ubi nota, quod, antequam Sa-
cerdos oret pro his illis successivè; anteceden-
ter dicat *Oremus*, & Ministri respondeant *Et
etiam gemma.* Dum autem pro Judæis nullo
verbo interjecto statim procedit ad orationem
Sacerdos, & ultimò pro iis orat, signum est,
quod non sit convertenda ista natio, nisi in fine
mundi.

Post orationes velum aufertur à Cruce, ut
quod Judæis tectum erat, nobis reveletur. Ter
autem discooperitur Crux, quia paulatim præ-
dicatus est Christus crucifixus. *Primò.* Clam
in angulo apud Judæos. *2dò.* Palam v.g. die
Pentec. & tempore sequente. *3tiò.* Demum in
medio gentium. Sacerdos ostendens lignum,
terque Crucem & vocem elevans id facit in ho-
norem Christi ter illusi, in atrio Principis, in
prætorio Pilati, in monte Calvariæ. Et ideo
etiam Sacerdos Ministri, & ex post populus fa-
delis ter genu flexi crucifixum adorant. Exun-
tur calceamenta, quia sanè locus, in quo sta-
tur, sanctus est, & omnis inordinatus erga
creaturas affectus exuendus. *Tempore adora-
tionis*

tionis Crucis cantantur improperia græcè & latinè, non hebraicè, quia Judæi negarunt & reprobarunt Christum. *Agios & Trisagion* græcè. Latinè *Pangue lingua*. Tria hæc, quæ post Processionem ad Altare dicit Sacerdos, scilicet *Præceptis salutaribus*. *Pater noster*, & *liberanos*, triduum sepulturæ Christi significant, altâ autem voce dicit *liberanos*, ut hodie pateat desensus animæ Christi in limbum ad liberandos ibidem à tot annorum millibus & sæculis detentos, quod & significatur, dum Sacerdos paulò antè hostiâ in tres partes divisâ ultimam partem mittit in calicem. Porrò elevatur hostia alterâ tantum manu ad differentiam elevationis, quæ alias fit post consecrationem. Ne hâc die videatur de novo consecrata. *Pax Domini* non dicitur, nec *Agnus Dei*; nec datur osculum pacis (pariter ut supra Feria V.) in odium osculi Judæ. Omititur etiam ideo oratio de pace, nec dicitur altera de sanguine Christi, quia non consecratur vinum in calice, sed tantum tertia, in qua mentio fit Corporis Domini. Nec sub jungitur ob eandem rationem *Corpus tuum Domine*, quod sumpsisti, & sanguis quem potavi. Non dicitur autem *Comm.* aut *Postcommunio*, quia nemo aliis communicat, & *Communio* olim dicebatur tempore Communionis populi. Non dicitur etiam *Placeat*, &c. quia in ea oratione dicit Sacerdos se obtulisse Sacrificium, quod tale tunc non est saltem strictè & propriè loquendo. Cùm tamen in hostia à Sacerdote sumpta sit Sacrificium Sacerdotis & populi, seu

victima Sacrificii. Vocabulum istud latius sumendo, in hoc sensu verum est; quod dicit Sacerdos in oratione *Orate Fratres, ut memorem vestrum Sacrificium &c.* Ita Suar.

10. *Explicatio variarum ceremoniarum Sabatho Sancto.*

*S*abbatum hoc antonomasticè appellatur *Sanctum*, quia sacer baptismatis fons benedicitur, & olim baptizabantur Catechumeni. Vel quia *Sanctus Sanctorum* quievit in sepulchro die Sabbathi.

Cooperiuntur Altaria, quia Christus in resurrectione stolam gloriae induit. Excutitur ignis de lapide, hoc est sacer ignis accipitur a Christo, qui est lapis angularis. Antiquus autem ignis exinguitur, quia lex finem habet. Ante portam Ecclesiæ benedicitur novus ignis, quia extra portam passus est Christus. Hinc Paulus: *Exeamus ad eum extra castra, &c.* Porta Ecclesiæ clausa, & hastili Crucis aperta designat Jerusalem cœlestem per Christi passionem nobis referatam.

Per quinque grana incensi significantur aromata à piis mulieribus empta ad ungendum JESUM. A consecratione autem luminis inchoatur Paschalis solennitas, quia hæc æternæ lucis contulit claritatem. Porrò quod Diaconus induitus dalmaticâ albi coloris accipiat iuxta rubricam arundinem cum tribus candelis in summitate trianguli positis prælente Sacerdote. Significat primo, quod inferior Minister annuntiat